



Innkalling for Kommunestyret i Radøy

Møtedato: 11.05.2017
Møtestad: Kommunestyresalen
Møtetid: 18.00

Saksliste:

Saksnr	Tittel
016/2017	Meldingar og referatsaker
017/2017	Ny kommune frå 2020 - orientering
018/2017	Delegert fullmakt - førebuande fellesnemnd
019/2017	Midlar til integrering
020/2017	Lokalisering av reinseanlegg - Manger
021/2017	Årsmelding og rekneskap 2016
022/2017	Disponering av mindreforbruk 2016

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærare innkalling.

1. oktober 2018

Jon Askeland
møteleiar

Arthur Kleiveland
utvalssekretær

Radøy kommune

Saksframlegg

Saknr	Utval	Type	Dato
016/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Arthur Kleiveland	17/942	17/5817

Meldingar og referatsaker

Saksopplysingar:

Meldingar og referatsaker vert tekne til orientering

Vedlegg:

Møteutskrift Radøy kontrollutval 5_april_2017

Protokoll Førebuande fellesnemnd - partsamansett utval

Protokoll - Førebuande fellesnemnd - ny kommune - 24.04.2017 (L)(255087)

Radøy kommune

Saksframlegg

Saknr	Utval	Type	Dato
017/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Arthur Kleiveland	16/1600	17/5818

Ny kommune frå 2020 - orientering

Saksopplysingar:

Bakgrunn

Samanslåing av dei tre kommunane, Meland, Lindås og Radøy er ein omfattande prosess som krev ei stor grad av involvering for at resultatet skal bli best mogleg.

Samanslåinga vert organisert som eit program, der det administrative nivå tar hand om programstyringa, og der det skal tilsetjast ein programansvarleg som seinare vert rådmann i den nye kommunen. Inntil vedkommande er tilsett, er det dei tre rådmenna som har denne oppgåva.

Førebels fellesnemnd er samd om å be dei tre kommunestyra gje dei fullmakt til å gjennomføra ein prosess med å engasjera ein prosjektleiar/konsulentselskap for arbeidet med samanslåing for perioden august 2017-juni 2020.

Førebuande fellesnemnd har valt ein valkomite med Bjarte Vatnøy frå Lindås, Sølvi Knudsen frå Meland og Else Marie Dale frå Radøy. Valkomiteen skal koma med forslag til medlemmar til ulike politiske komitear som det er behov for i prosessen, fram til ordinær fellesnemnd er etablert. Valkomiteen konstituerer seg sjølve, og får administrativ støtte frå Radøy kommune.

Namnet på den nye kommunen er i innspurten. Namnekomiteen har spelt inn 11 namneforslag til referansegruppa, som skal skal levera 3-5 namn tilbake til namnekomiteen. Namnekomiteen legg 5. mai fram si innstilling på maks 3 namn til saksførebuande utval, som legg fram sak for FF i møte 15. mai. Endeleg namn vert vedtatt i dei tre kommunestyra i juni, og skal så godkjennast ved kongeleg resolusjon i haust.

Dei tre kommunestyre skal gjera det endeleg namnevedtak på §25-møtet 22. juni. Dette møtet vert leia av fylkesmann Lars Sponheim og vert halde i Lindåshallen. I forkant av dette møtet skal kommunestyra velja sine representantar til endeleg Fellesnemnd.

Rådmannen sitt framlegg til vedtak:

Saka vert lagt fram til drøfting.

Radøy kommune

Saksframlegg

Saknr	Utval	Type	Dato
027/2017	Formannskapet i Radøy	PS	04.05.2017
018/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Arthur Kleiveland	16/1600	17/5408

Delegert fullmakt - førebuande fellesnemnd

Saksopplysingar:

Bakgrunn

Førebuande fellesnemnd har i sak 12/17 handsama «Prosess for tilsetjing av prosjektleiar». FNN vedtok å engasjera ein prosjektleiar for arbeidet med kommunesamanslåinga for perioden august 2017 - juni 2020.

Førebuande fellesnemnd legg opp til å leiga inn eit kompetansemiljø med ein prosjektleiar og anna kompetanse som ny-kommune-prosjektet kan ha behov for.

Det er ikkje ein del av mandatet til Førebuande fellesnemnd å leiga inn prosjektleiar. Difor ber førebuande fellesnemnd no kommunane om delegert fullmakt til å gjennomføra prosessen med å engasjera konsulentselskap/prosjektleiar.

Saksutgreiing:

Prosjektleiaren vil få eit hovudansvar med å få god framdrift i prosessen med å etablere ein ny kommune, og samstundes ha ansvaret for at prosessen skjer i høve til gjeldande regelverk og avtalar. Den som blir engasjert som prosjektleiar skal også ha oversikt og kontroll over alle aktivitetar som er avgjerande for å få etablert den nye kommunen til 1. januar 2020.

Førebuande fellesnemnd legg opp til ein anbudsprosess for å få ein avtale om prosjektleiing på plass før sommarferien 2017. Det vert samtidig lagt opp til å avklara prosessen for tilsetjing av ny rådmann/prosjektansvarleg hausten 2017.

Førebuande fellesnemnd gjorde følgjande vedtak i sak 12/17:

Førebels fellesnemnd gir rådmennene i dei tre kommunane i oppdrag å gjennomføra ein anbudsprosess for innleige av prosjektleiar for kommunesamanslåinga for perioden august 2017 - juni 2020, i høve lov om offentlige anskaffingar. Det blir lagt inn atterhald om departementet si endelege godkjenning av den nye kommunen. Avtalen med ein slik leverandør skal også gje moglegheit for å trekkja på fleire ressursar i perioden, slik at ein har kompetanse og kapasitet

tilgjengeleg for prosjektet i avtaleperioden

2. Formell fellesnemnd skal hausten 2017 setja i gong ein tilsettingsprosess for å tilsetja ein prosjektansvarleg i prosjektperioden fram til 31.12.2019, som og skal vera rådmann i den nye kommunen frå 01.01.2020. Etter at ordførarane har avklart vidare prosess etter ei vurdering av eksisterande rådmenns rettskrav, utarbeidast det ei ny sak til fellesnemnda om prosess for tilsetting av prosjektansvarleg/rådmann til den nye kommunen.

3. Kostnadar til arbeidet med anbudsprosessen, inkludert eventuelle kostnadar til å engasjera ekstern bistand, blir dekt av eingongsstønaden som blir utbetalt frå Kommunal- og moderniseringsdepartementet.

Økonomiske konsekvensar:

Kostnaden med å leiga inn prosjektleiar skal finansierast frå eingongsstøtta som vert utbetalt frå Kommunal- og moderniseringsdepartementet.

Vurdering:

Arbeidet med å etablere ein ny kommune krev stor breidde i kompetanse, fleksibilitet og kapasitet i prosjektorganisasjonen. For å sikra fokus og tilstrekkeleg kapasitet til oppgåva med å leia prosjektet, er det viktig å få tilsett ein prosjektleiar.

Rådmannen sitt framlegg til vedtak:

Førebuande fellesnemnd får fullmakt til å gjennomføra ein prosess med å engasjera prosjektleiar.

Formannskapet i Radøy - 027/2017

FS - handsaming:

Rådmann Jarle Landås orienterte om saka. Det er ikkje i førebuande fellesnemnd sitt mandat å setja igang prosessen med å engasjera prosjektleiing. Førebuande fellesnemnd må difor få delegert fullmakt til å igang med denne prosessen. Rådmannen understreka at det hastar å få knytt til seg konsulentselskap som skal stå for prosjektleiinga fram mot ny kommune. Det skal i haust også tilsetjast prosjektansvarleg, som vil bli rådmann i den nye kommunen.

Formannskapet vedtok samrøystes rådmannen sitt framlegg til vedtak.

FS - vedtak:

Førebuande fellesnemnd får fullmakt til å gjennomføra ein prosess med å engasjera prosjektleiar.

Vedlegg:

Førebunde fellesnemnd_sak 12_17_Process for tilsetjing av prosjektleiar

Radøy kommune

Saksframlegg

Saknr	Utval	Type	Dato
029/2017	Formannskapet i Radøy	PS	04.05.2017
019/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Lisbeth Toppe Alvær	17/515	17/4048

Midlar til integrering

Saksopplysingar:

Bakgrunn

I sak 032/206 gjorde kommunestyret vedtak om å setja av kr 250 000 til fond for fritids- og avlastningstilbod for ungdomar med særskilde behov.

Behovet for ei ordning som stimulerer til integrering og inkludering har ved fleire høve vore diskutert i formannskapet, mellom anna i samband med handsaming av nye retningslinjer for tildeling av kulturmidlar. Også andre målgrupper for integreringsarbeidet har vore trekt fram, og rådmannen legg til grunn at fondsmidlane også skal stimulere til integrering av andre målgrupper i lokalsamfunnet, t.d. flyktningar og innvandrarar.

Radøy kommune vart i 2014 kåra til årets barne- og ungdomskommune. Tryggleik, trivsel og livskvalitet er visjonen for kommunen som gjennom ei årrekke har satsa målretta på gode oppvekstvilkår for barn og unge. Kommunen har eit rikt kultur og aktivitetstilbod, og deltaking i kultur- og fritidsaktivitetar bør vere tilgjengeleg for alle, uavhengig av funksjonsnivå.

I Radøy, som i andre kommunar, er likevel erfaringa at det kan vere utfordrane for menneske med nedsett funksjonsevne å få høve til likeverdig deltaking i kultur og fritidsaktivitetar. I nokre tilfelle er ikkje aktivitetane fysisk tilrettelagte for deltaking for menneske med særskilte behov. Andre gongar kan det vere behov for å tilrettelegge nye typar aktiviter som er spesielt tilpassa ulike målgrupper. Ofte vil tilpassing av aktivitetar eller etablering av nye aktivitetar krevje økonomiske ressursar.

Flyktningar og innvandrarar er ei anna gruppe som kommunen ønskjer å stimulere til deltaking og integrering i lokalsamfunnet. Stortingsmelding nr. 30 2015-2016 *Fra mottak til arbeidsliv – en effektiv integreringspolitikk* slår fast at frivillige organisasjonar kan spele ei viktig rolle i dette arbeidet, t.d. ved at dei får kontaktar i nærmiljøet og ved at dei vert involverte i aktivitetar som gjev trivsel og mening. I samband med at det dei siste åra er kome fleire asylsøkjjarar og innvandrarar med flyktningbakgrunn til Radøy, har fleire lag og organisasjonar i kommunen sett i gang integreringstiltak på eige initiativ. Døme på slike tiltak er LHL Radøy, som gjennom fleire år har drive internasjonal kafé

i gamle prestegarden og tingstova, og Nordhordland Røde kors som i litt over eitt år har drive ei turgruppe i kommunen. Rådmannen meiner det er viktig at slike tilbod vert oppretthalde, og at ei tilskotsordning både kan stimulere til kontinuitet i slike tilbod, og til etablering av nye.

På bakgrunn av dette rår rådmannen til at det vert etablert ei tilskotsordning som stimulerer til inkluderings- og integreringstiltak i Radøy kommune. Midlane vert henta frå fond for fritids- og avlastningstilbod for ungdommar med særskilde behov, og kr 250 000 vert delt likt over tre år. Tilskotsordninga får ei økonomisk ramme på kr 80 000 pr år.

Rådmannen gjer framlegg om følgande retningslinjer for tildeling av midlar frå tilskotsordninga:

- Lag og organisasjonar kan søkje om midlar til inkluderings- og integreringstiltak i Radøy kommune.
- Tilskotsordninga har som føremål å stimulere til deltaking i kultur- og fritidsaktiviteter for menneske med særskilte behov, samt for flyktningar og innvandrarakar, som har behov for særskilt tilrettelegging for integrering i lokalsamfunnet.
- Tiltak retta mot barn og unge vert prioritert.
- Det kan søkast om midlar til:
 - a. arrangement som krev særskilt tilrettelegging for deltaking for målgruppene
 - b. eigne arrangement tilrettelagt for målgruppene
 - c. andre tiltak i tråd med målsettinga for tilskotet kan vurderast særskilt
- Det vert ikkje løyvd midlar til å dekke lovpålagte tenester over tilskotsordninga
- Ramma for tildeling er kr 80 000 fordelt med kr 40 000 pr halvår. Ufordelte midlar kan overførast til neste tildeling
- Det er søknadsfrist to gongar i året: 1. mars og 1. oktober
- Fordeling av tilskot vert gjort administrativt

Rådmannen sitt framlegg til vedtak:

Radøy kommune etablerer ei ny tilskotsordning for inkluderings- og integreringstiltak.

1. Det vert totalt sett av kr 250 000 til tilskotsordninga, og midlane vert henta frå fond for fritids- og avlastningstilbod for ungdommar med særskilde behov. Ramma for årleg tildeling er kr 80 000, fordelt med kr 40 000 pr. halvår, for perioden 2017-2019.
2. Framlegg til retningslinjer:
 - a. Lag og organisasjonar kan søkje om midlar til inkluderings- og integreringstiltak i Radøy kommune.
 - b. Tilskotsordninga har som føremål å stimulere til deltaking i kultur- og fritidsaktiviteter for menneske med særskilte behov, samt for flyktningar og innvandrarakar, som har behov for særskilt tilrettelegging for integrering i lokalsamfunnet.
 - c. Tiltak retta mot barn og unge vert prioritert.
 - d. Det kan søkjast om midlar til:
 1. arrangement som krev særskilt tilrettelegging for deltaking for målgruppene.
 2. eigne arrangement tilrettelagt for målgruppene.

3. andre tiltak i tråd med målsettinga for tilskotet kan vurderast særskilt.
 - e. Det vert ikkje løyvd midlar til å dekke lovpålagte tenester over tilskotsordninga.
 - f. Ramma for tildeling er kr 80 000 fordelt med kr 40 000 pr halvår. Ufordelte midlar kan overførast til neste tildeling.
 - g. Det er søknadsfrist to gongar i året: 1. mars og 1. oktober.
 - h. Fordeling av tilskot vert gjort administrativt.
1. arrangement som krev særskilt tilrettelegging for deltaking for målgruppene.
 2. eigne arrangement tilrettelagt for målgruppene.
 3. andre tiltak i tråd med målsettinga for tilskotet kan vurderast særskilt.
 - a. Det vert ikkje løyvd midlar til å dekke lovpålagte tenester over tilskotsordninga.
 - b. Ramma for tildeling er kr 80 000 fordelt med kr 40 000 pr halvår. Ufordelte midlar kan overførast til neste tildeling.
 - c. Det er søknadsfrist to gongar i året: 1. mars og 1. oktober.
 - d. Fordeling av tilskot vert gjort administrativt.
-
3. Framlegg til retningslinjer vert sendt på høyring til lag og organisasjonar, og rådmannen får fullmakt til å gjere mindre justeringar basert på høyringsinnspel. Ved framlegg om større endringar i retningslinjene, vert saka lagt fram til politisk handsaming på ny.

Formannskapet i Radøy - 029/2017

FS - handsaming:

Formannskapet vedtok samrøystes rådmannen sitt framlegg til vedtak.

FS - vedtak:

Radøy kommune etablerer ei ny tilskotsordning for inkluderings- og integreringstiltak.

1. Det vert totalt sett av kr 250 000 til tilskotsordninga, og midlane vert henta frå fond for fritids- og avlastningstilbod for ungdommar med særskilde behov. Ramma for årleg tildeling er kr 80 000, fordelt med kr 40 000 pr. halvår, for perioden 2017-2019.
2. Framlegg til retninglinjer:
 - a. Lag og organisasjonar kan søkje om midlar til inkluderings- og integreringstiltak i Radøy kommune.
 - b. Tilskotsordninga har som føremål å stimulere til deltaking i kultur- og fritidsaktiviteter for menneske med særskilte behov, samt for flyktningar og innvandrarar, som har behov for særskilt tilrettelegging for integrering i lokalsamfunnet.
 - c. Tiltak retta mot barn og unge vert prioritert.
 - d. Det kan søkjast om midlar til:
 1. arrangement som krev særskilt tilrettelegging for deltaking for målgruppene
 2. eigne arrangement tilrettelagt for målgruppene
 3. andre tiltak i tråd med målsettinga for tilskotet kan vurderast særskilt.

1. e. Det vert ikkje løyvd midlar til å dekke lovpålagte tenester over tilskotsordninga.
 2. f. Ramma for tildeling er kr 80 000 fordelt med kr 40 000 pr halvår. Ufordelte midlar kan overførast til neste tildeling.
 3. g. Det er søknadsfrist to gongar i året: 1. mars og 1. oktober.
 4. h. Fordeling av tilskot vert gjort administrativt.
-
3. Framlegg til retningslinjer vert sendt på høyring til lag og organisasjonar, og rådmannen får fullmakt til å gjere mindre justeringer basert på høyringsinnspel. Ved framlegg om større endringar i retningslinjene, vert saka lagt fram til politisk handsaming på ny.

Radøy kommune

Saksframlegg

Saknr	Utval	Type	Dato
030/2017	Formannskapet i Radøy	PS	04.05.2017
020/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Lisbeth Toppe Alvær	17/749	17/5346

Lokalisering av reinseanlegg - Manger

Saksopplysingar:

Bakgrunn

I tråd med gjeldande kommunedelplan for avløp skal det gjennomførast ei kloakksanering for Manger. Føremålet er å samle kommunale slamavskillarar og private septiktankar i eit felles reinseanlegg, og det har over tid vore arbeid med å avklare anleggstype og lokalisering.

Nytt reinseanlegg på eksisterande tomt i Pollen var ute på anbod hausten 2015. Stor skilnad mellom vedteken budsjettløyving og innkomne tilbod, medførte at saka vart lagt fram for formannskapet for vurdering, jf. sak 079/2015. Sak om kloakksanering for Manger vart utsett og tilbodskonkurransen avlyst (jf. FS 103/2015). Rådmannen vart beden om å vurdere andre og mindre omfattande alternativ.

Asplan Viak vart engasjert for å bistå i vurdering av lokalitet og anleggstype, saman med administrasjonen og leiar i byggenemnda. Arbeidsgruppa konkluderte med at plassering ved Mangersvåg kai eller Mangersnesvegen peika seg ut som beste lokalitet. Mangersnesvegen vart seinare utelukka som alternativ som følge av eigartilhøve. Når det gjeld type reinseanlegg vurderte rådmannen trykksilanlegg som den mest framtidsretta løysinga, ei vurdering som også byggenemnda stilte seg bak. Det vart vist til at trykksilanlegg gir betre grad av reinsing og kontroll med reinsa avløp, samt at trykksilanlegg var den beste løysinga med omsyn til ei eventuell utviding og oppgradering.

Kommunestyret gjorde følgjande vedtak i sak 50/2016:

«Nytt reinseanlegg Manger vert bygd som trykksilanlegg, plassert i området ved Manger kai. Rådmannen kjem tilbake med endeleg plassering i samband med budsjettet for 2017. Finansiering av reanseanlegget vert å koma tilbake til i budsjett for 2017.»

Administrasjonen har i etterkant av kommunestyrevedtaket vore i dialog med grunneigar på Manger kai for å avklare moglegheit for kjøp av areal. Kommunen fekk først tilbod om å kjøpe ein større del

av kaiområdet, inkludert fryselageret, og eigar ønskte å selje arealet som eit aksjeselskap. På bakgrunn av kostnadsnivå og kompleksitet i saka orienterte rådmannen formannskapet om tilbodet som var mottatt. Administrasjonen undersøkte også andre alternative lokalitetar i området, utan å finne areal som var betre eigna. Etter dialog med eigar av Manger kai fekk kommunen eit nytt tilbod, der arealet var avgrensa i forhold til første tilbod, og fryselageret var tatt ut av tilbodet.

Radøy kommune har fått tilbod om å kjøpa naudsynt areal til reinseanlegg og pumpestasjon for kr 1 000 000, og kommunen må dekke alle kostnader knytt til kjøpet. Arealet ligg mellom fryselageret og det gamle meieriet (gbnr 44/77). Administrasjonen har hatt møte med byggenemnda 30.03.17 og informert om prosess og diskutert framlegg til lokalisering. Byggenemnda held fast ved vurderinga om at plasseringa på Manger kai er det beste alternativet for lokalisering av nytt reinseanlegg.

Rådmannen gjer merksam på at plassering av eit reinseanlegg på kaien kan bidra til å avgrense framtidige utviklingsmuligheter i området. På den annen side kan ein søke å plassere anlegget diskret og gi det ei tilpassa arkitektonisk utforming. Anlegget er i tillegg relativt lite plasskrevande, og skal vere diskret både med omsyn til lukt og støy. Administrasjonen og eigar av lokaliteten på Manger kai har vore på synfaring på tilsvarande anlegg på Osterøy.

Vurdering

Etter ei lengre prosess har kommunen no høve til å kjøpe areal til reinseanlegg på Manger kai i tråd med kommunestyrevedtak 50/2016, som seier at nytt reinseanlegg skal plasserast i område ved Manger kai. Lokaliteten er framstilt som mest fordelaktig alternativ, både i notat frå Asplan Viak og av byggenemnda, som har vurdert både økonomiske og tekniske forhold. Utfordringa med lokaliteten er at etablering av kommunalt reinseanlegg på Manger kai ikkje vil vere i samsvar med arealføremål i gjeldande reguleringsplan eller i overordna plan. Om saka kan løysast gjennom ein dispensasjon eller om det vil verte naudsynt med omregulering vil bero på ei vurdering av konsekvensane av tiltaket, og utfallet av planprosess er ikkje klar. Eit evt. kjøp av tomt på Manger kai bør derfor ta atterhald om at det vert gitt løyve til utbygging av slikt anlegg. Å flytte reinseanlegget frå dagens lokalisering i Pollen vil også medføre at det må søkast om nytt utsleppsløyve. Prosess for legalisering av leiligheiter i det gamle meieribygget kan også verte påverka av etablering av renesanlegget ved Manger kai.

Alternativene til Manger kai er som kjent lokalitet ved Skitkaien i Mangersvågen og dagens lokalisering i Pollen. Lokaliteten ved Skitkaien vert vurdert som nest beste alternativ når ein vurderer den tekniske løysinga, m.a. fordi lokaliseringa krev kortare ledningsnett enn rensanlegg i Pollen. Til tross for at grunnen ved Skitkaien er i privat eige, er total kostnad med grunn og utbyggingskostnad estimert å vere lågare enn i Pollen, der kommunen eig grunnen sjølv, jf. notat frå Asplan Viak. På bakgrunn av kommunestyrevedtak i sak 50/2016, har ikkje administrasjonen tatt kontakt med grunneigar for avklaringar omkring eit evt. kjøp av grunn. Lokaliteten ved Skitkaien har riktig arealføremål i overordna plan, men også i dette tilfellet må det gjerast avklaringar i forhold til planprosess og utsleppsløyve. Naustmiljøet i Mangersvågen er eit område med høg kulturell verdi, som også kan påverke prosess og resultat.

Konklusjon

Etter ei heilskapleg vurdering meiner rådmannen at det no ligg til rette for kjøp av tomt (med atterhald om naudsynte løyver) og oppstart av prosjektering og naudsynte søknadsprosessar for lokalisering av nytt reinseanlegg på Manger kai. Etersom tiltaket ikkje er i tråd med overordna plan, kan kommunen risikere at det ikkje vert gitt naudsynte løyver til oppføring av tiltaket.

Rådmannen meiner at etablering av rensanlegg ved Skitkaien vil vere nest beste alternativ. Til tross for at tiltaket her vil vere i tråd med overordna arealføremål, er det også her usikkerhet knytt til krav om planprosess og utfall av denne. Utbygging ved eksisterande anlegg i Pollen vil derfor vere alternativ nr 3.

Rådmannen sitt framlegg til vedtak:

1. Nytt rensanlegg vert plassert på Manger kai.
2. Rådmannen startar prosess, og får løyve til å inngå kjøpsavtale for grunn til anlegget på Manger kai, jf. tilbod frå grunneigar. Kjøpsavtale må ta atterhald om at denne fell bort dersom kommunen ikkje får naudsynte løyver til å byggje rensanlegg på den aktuelle tomten.
3. Lokalitet ved Skitkaien er 2. prioritet dersom Manger kai fell bort som alternativ, og dagens lokalitet i Pollen er prioritert som løysing nr 3.

Vedlegg:

Kloakksanering Manger (L)(122863)

Kloakksanering Manger - nytt rensanlegg (L)(102748)

NOTAT byggjenemda Plassering rensanlegg Manger (L)(122707)

Skisse

Skriv frå Manger Kai AS - vedk. sal av parsell

Radøy kommune

Saksframlegg

Saknr	Utval	Type	Dato
032/2017	Formannskapet i Radøy	PS	04.05.2017
021/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Sveinung Kvamme	16/140	17/4147

Årsmelding og rekneskap 2016

Saksopplysingar:

Rådmannen legg med dette fram årsmelding og rekneskap for 2016 til godkjenning. Rekneskapen er revidert, og revisjonsmeldinga er teken inn i rekneskapsdokumentet.

Rådmannen sitt framlegg til vedtak:

Årsmelding 2016 og rekneskap 2016 vert godkjent slik dei ligg føre

Formannskapet i Radøy - 032/2017

FS - handsaming:

Økonomisjef Sveinung Kvamme orienterte om årsmelding og rekneskap 2016. Resultatet er om lag 10 millionar kroner betre enn budsjett, og korrigert netto driftsresultat for 2016 er 13,1 mill. kroner - tilsvarande 3,24 prosent av sum driftsinntekter. Dette er det beste resultatet Radøy kommune har hatt, i alle fall i "nyare" tid. Økonomisjefen peika på at god budsjett disiplin og tett oppfølging av økonomien har medverka til det gode resultatet.

Den ordinære drifta av tenestene i kommunen kosta om lag 2,4 mill. mindre enn budsjettet, og det er først og fremst helse og omsorg som har medvirka til dette. Skatteinngangen både lokalt og på landsplan vart høgare enn budsjettet, og for Radøy gav dette ei meirinntekt på 4,3 mill. i høve til budsjett. Radøy fekk også om lag 2,4 mill. meir i integreringstilskot i forhold til budsjettet. Det vart busett fleire flyktningar, medrekna familiegjennforening, og mange av desse kom seint i året, men gav

likevel fullt tilskot for 2016.

Else Marie Skartveit Dale (KrF) stilte spørsmål knytt til mindreforbruk og sjukefråver i barnehagane.

Rådmann Jarle Landås peika på det også i år er viktig å halda drifta på eit nøkternt nivå.

Formannskapet vedtok samrøystes rådmannen sitt framlegg til vedtak.

FS - vedtak:

Årsmelding 2016 og rekneskap 2016 vert godkjent slik dei ligg føre.

Vedlegg:

Rekneskapsdokument_2016_endeleg

Årsmelding 2016 endeleg

Særutskrift - uttale til årsrekneskapen + revisjonsrapport nr 14 og revisjonsmelding

Radøy kommune

Saksframlegg

Saknr	Utval	Type	Dato
033/2017	Formannskapet i Radøy	PS	04.05.2017
022/2017	Kommunestyret i Radøy	PS	11.05.2017

Sakshandsamar	Arkivsaknr.:	Dokumentnr.:
Sveinung Kvamme	16/140	17/5194

Disponering av mindreforbruk 2016

Saksopplysingar:

Bakgrunn

Årsrekneskapen for 2016 syner eit mindreforbruk på kr 13.173.445,- og er ført i balansen som udisponert overskot, i balansegruppe 2.56. Det er berre kommunestyret som kan gjera vedtak om disponering av dette mindreforbruket.

Vurdering

Før disponering av mindreforbruk frå 2016 er det bokførte disposisjonsfondet kr 4.304.205. Av dette er kr 1.006.000 såkalla fritt disposisjonsfond, resten er «øyremerka» særlege tiltak.

Disposisjonsfondet er ikkje eit «verna» fond, og dersom driftsrekneskapen seinare år syner meirforbruk, skal disposisjonsfondet nyttast til å dekkja opp. Dette gjeld også dei delane av disposisjonsfondet som kommunestyret har øyremerka. Øyremerking er såleis å sjå på som ei prioritering av midlar «i gode tider».

Rådmannen meiner i utgangspunktet at heile mindreforbruket frå 2016 skal setjast til eit fritt disposisjonsfond, for å auka kommunen sin økonomiske handlefridom og styrkja eigenkapitalen.

Kommunestyret står sjølvstendig fritt til å bruka av disposisjonsfondet, men rådmannen vil på det sterkaste rå frå at ein set i verk tiltak som fører til permanent auka driftsnivå.

I årsmeldinga for 2016 har rådmannen på side 3 kommentert at motteke **integringstilskot** for 2016 vart om lag 2,4 mill høgare enn føresett, fordi kommunen tok i mot fleire flyktingar enn føresett. Mange av desse kom seint på året, men utløyste likevel full tilskot for 2016, medan kostnadene kjem på i løpet av 2017. Rådmannen meiner difor det må vera rett å setja av desse 2,4 mill på øyremerka disposisjonsfond, konto 2.56080.615 for bruk til integreringsarbeid i 2017. Rådmannen får fullmakt til å disponera fondet i samsvar med føremålet.

Av budsjettvedtaket for 2017 går det fram at kommunestyret vil vurdera løyving til lærebøker i

skulane i samband med disponering av årsresultatet for 2016. Ut frå dette signalet meiner rådmannen at det bør setjast av ein sum til **undervisningsmateriell** i skulane. Grensegangen mellom lærebøker og anna undervisningsmateriell er flytande, og det bør vera opp til den einskilde skule å vurdera kva type læringsmateriell som er mest tenleg for skulen. Rådmannen meiner også det må vera greitt å løyva ein sum pr elev, for å gjera fordelinga mellom skulane enklast råd. Rådmannen meiner at ein sum på kr 1.000 pr elev må vera høveleg. Pr 20.04.2017 hadde skulane i Radøy 626 elevar, som gir ein samla sum på kr 626.000. Rådmannen rår såleis til at kr 626.000 vert sett av på konto 2.56080.630 undervisningsmateriell, for bruk i 2017. Rådmannen får fullmakt til å disponera fondet i samsvar med føremålet.

Lindås, Meland og Radøy har vedteke **bygging av ny kommune** frå 1.1.2020. Prosessen har starta opp, og rådmannen ser at det vil vera trong for å setja inn ekstra ressursar i Radøy kommune frå no og ut 2019. Det skal gjerast omfattande arbeid med kartlegging, strukturering og harmonisering av prosessar, system, kompetanse, avtalar, mv. Ein god del av arbeidet skal utførast i den nye prosjektkommunen ved bruk av statlege tilskotsmidlar. Men mykje arbeid må også gjerast i dei eksisterande kommunane, samstundes som drifta skal halda fram på vanleg måte. Dei statlege midlane vert truleg berre nytta i den nye prosjektorganisasjonen, og kommunane må sjølv «finna» midlar til å gjennomføra prosessane i kvar einskild kommune. I tillegg bør det gjerast eit arbeid for å kunne synleggjere og ta i vare Radøy sine interesser gjennom styrka planarbeid og ulike kartleggingar i tida fram mot samenslåinga.

Rådmannen ber difor kommunestyret om å setja av 3 mill på øymerka disposisjonsfond 2.56080.700 Omstilling ny kommune 2020. Rådmannen får fullmakt til å disponera fondet i samsvar med føremålet.

Rådmannen sitt framlegg til vedtak:

Mindreforbruk frå 2016 kr 13.173.445 vert disponert slik:

Avsett til fond integrering av flyktningar, konto 2.56080.615, kr 2.400.000

Avsett til fond undervisningsmateriell, konto 2.56080.630, kr 626.000

Avsett til fond omstilling til ny kommune, konto 2.56080.700, kr 3.000.000

Avsett til fritt disposisjonsfond konto 2.56080.001, kr 7.147.445

Rådmannen får fullmakt til å disponera konto 2.56080.615, 2.56080.630 og 2.56080.700 i samsvar med føremålet.

Formannskapet i Radøy - 033/2017

FS - handsaming:

Ordførar Jon Askeland sette fram følgjande felles endringsframlegg:

Rådmannen sitt framlegg vert vedteke med følgjande endring:

Avsett til fond omstilling til ny kommune, konto 2.56080.700, - kr 4.000.000

Avsett til fritt disposisjonsfond konto 2.56080.001, kr 6.147.445

Rådmannen sitt framlegg til vedtak, med endringsframlegg sett fram i møte, vart samrøystes vedteke.

FS - vedtak:

Mindreforbruk frå 2016 kr 13.173.445 vert disponert slik:

Avsett til fond integrering av flyktningar, konto 2.56080.615, kr 2.400.000

Avsett til fond undervisningsmateriell, konto 2.56080.630, kr 626.000

Avsett til fond omstilling til ny kommune, konto 2.56080.700, kr 4.000.000

Avsett til fritt disposisjonsfond konto 2.56080.001, kr 6.147.445

Rådmannen får fullmakt til å disponera konto 2.56080.615, 2.56080.630 og 2.56080.700 i samsvar med føremålet.